

Հ Ա Ն Գ Ի Ս Տ
ԱՐԺԱՆԱՊԱՏԻՎ Տ. ՄԱՏԹԵՈՍ ՔԱՀԱՆԱ ԳՅՈՒՋԵԼՅԱՆԻ
(1874—1959)

Երկարատև և ծանր հիվանդությունից հետո, հունվարի 2-ին, Երևանում, ի Տեր հանգչավ արժանապատիվ Տ. Մատթեոս քահանա Գյուլեղյանը, ալեղարդ հասակում:

Հանգուցյալը ծնվել է 1874 թվականի հունվարի 21-ին, Մուսա լեռան Քեբուաիկ գյուղում, հողագործի ընտանիքում: Իր նախնական կրթությունն ստացել է գյուղի ծխական դպրոցում, ապա ինքնաշխատությամբ կարողացել է ձեռք բերել հոգևորական ասպարեզի անհրաժեշտ եկեղեցական և ծխական դիտելիքները:

1911 թվականին նա քահանա է ձեռնադրվում Սսի մայրավանքում: Այդ օրվանից նա իր համեստ ուժերը, առանց սակարկության, նվիրաբերում է իր եկեղեցուն և ժողովրդին: Խաչի և Ս. Ավետարանի հետ, իր ձեռքում նա փայփայել է նաև բահն ու բրնձը և իր ապրուստը շահել է իր սիրած հողի մշակությամբ, իր ճակատի արդար քրտինքով: Իրր քաջ և անձնվեր հովիվ, նա եղել է միշտ իր ժողովրդի հետ, հատկապես 1915 թվականի հայկական բռնադադթի և տեղահանության օրերին: Հնարավորություն չունենալով Մուսա լեռ բարձրանալ իր ժողովրդի մեծ զանգվածի հետ, իր համագյուղացիների հետ տարագրվել է, կրելով անլուր զրկանքներ և շարշարանք:

Մեծ աղետից հետո վերադարձել է իր ծննդավայրը և նվիրվել է իր հոտի հովվության: Նա իր կոյման դիտակից և պարտաճանաչ հոգևորական էր: Նա հասնում էր ամեն տեղ, Մուսա լեռան թեկուղ ամենահեռավոր գյուղերը, տանելու համար հոգևոր մխիթարություն իր հավատացյալ և սիրելի ժողովրդին:

1939 թվականին Տ. Մատթեոս քահանան իր ժողովրդի հետ ծննդավայրից տեղափոխվեց Լիբանանի Այնճար բնակավայրը, իսկ 1947 թվականին, իր ժողովրդի գլուխն անցած, եկավ Մայր Հայրենիք:

Հանգուցյալը եղել է անսահմանորեն բարի, ազնիվ, անբախիր և համեստ հովևորական, սիրել է իր ժողովրդին և սիրվել նրանից:



Հունվարի 3-ին, հետմիջօրեի ժամը 2-ին, կատարվեց հանգուցյալի լվացումն ու քահանայաթաղի տանկարգը: Ապա դագաղը թափորով տարվեց Երևանի Ս. Սարգիս եկեղեցին:

Կիրակի, հունվարի 4-ին, Մայր Աթոռի լուսարարապետ գերաշնորհ Տ. Սահակ արքեպիսկոպոսը պատարագեց Ս. Սարգիս եկեղեցում և կատարեց վերջին օծումը:

Հավարտ սուրբ պատարագի, Վեհափառ Հայրապետի բարեհաճ թույլտվությամբ, հանգուցյալի աճյունը փոխադրվեց Ս. Էջմիածին և թաղվեց Ս. Գայանեի վանքում, միաբանության գերեզմանոցում:

Հավիտենական հանգիստ իր հոգում: «Յիշատակն արդարոց օրհնութեամբ եղիցի»:

